

13/2

Bosna i Hercegovina
Federacija Bosne i Hercegovine
KANTON SARAJEVO
Javna ustanova "Služba za zapošljavanje
Kantona Sarajevo" Sarajevo
SARAJEVO



Bosnia and Herzegovina
Federation of Bosnia and Herzegovina
CANTON SARAJEVO
Public Institution "Employment Service of
Canton Sarajevo" Sarajevo
SARAJEVO

Broj: 01/01-34-0354/22
Sarajevo, 23.03.2022. godine

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO
Reisa Džemaludina Čauševića br. 1
71 000 Sarajevo

Bosna i Hercegovina
Federacija Bosne i Hercegovine
KANTON SARAJEVO
28-03-2022
01 04 5587-83

Predmet: Zastupnička inicijativa - Informacija, dostavlja se
Veza: Vaš akt broj: 01-04-5587-31/22 od 24.02.2022. godine

U vezi zastupničke inicijative zastupnice Vildane Bešlija, koju dostavljate u prilogu akta (broj i datum veze), koji je Javna ustanova „Služba za zapošljavanje Kantona Sarajevo“ Sarajevo zaprimila dana 07.03.2022. godine, dajemo odgovor kako slijedi.

Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba radi u skladu sa lex specialis propisima u oblasti zapošljavanja, i to prevashodno: Zakonom o posredovanju u zapošljavanju i socijalnoj sigurnosti nezaposlenih osoba ("Službene novine Federacije BiH", br. 41/01, 22/05 i 9/08) (u daljem tekstu: Federalni zakon), i Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13) (u daljem tekstu: Kantonalni zakon).

Članom 8. stav 4. Federalnog zakona propisane su nadležnosti službi za zapošljavanje, tako je između ostalih, Služba zadužena za utvrđivanje prava osobama za slučaj nezaposlenosti.

Članom 28. Federalnog zakona propisano je da:

- „1. Zaposlenici osiguravaju svoju materijalnu i socijalnu sigurnost za vrijeme nezaposlenosti, prvenstveno osiguranjem za slučaj nezaposlenosti, u skladu sa ovim i drugim zakonima.
- 2. Materijalna i socijalnu sigurnost iz stava 1. ovog člana, podrazumijeva:
 - a) novčanu naknadu, u skladu sa ovim zakonom;
 - b) doprinose za zdravstveno i penzijsko osiguranje, u skladu sa ovim i drugim zakonima.“.

Članom 31. Kantonalnog zakona propisano je da se pod materijalnom i socijalnom sigurnošću podrazumijeva pravo na novčanu naknadu, zdravstveno osiguranje i penzijsko i invalidsko osiguranje.

Imajući u vidu navedene zakonske odredbe, ova služba nema pravni osnov za finansiranje ljekarskog uvjerenja osobama koje su na evidenciji ove službe i prvi put se zapošljavaju, međutim Služba će razmotriti mogućnost i modalitete kako bi eventualno iznašla način za ovaj vid pomoći nezaposlenim osobama koje se prvi put zapošljavaju.

U dijelu inicijative koja se odnosi na zdravstveno osiguranje po dva osnova, informišemo vas da osoba koja se zaposli osvaruje prijavu na obavezno zdravstveno osiguranje, tek nakon odjave iz evidencije nezaposlenih osoba, tako da ne može doći do situacije da se zdravstveno ostvaruje po dva osnova, jer isto ne prihvata sistem poreske uprave preko kojeg se vrši prijava na zdravstveno osiguranje.

Napominjemo da je ova služba, u cilju spriječavanja neosnovanog korištenja prava po osnovu nezaposlenosti i zaštite javnih sredstava pokrenula inicijativu za saradnju, odnosno uvezivanje i razmjenu informacija sa Zavodom zdravstvenog osiguranja (podaci o aktivnim osiguranicima-korisnicima prava na zdravstveno osiguranje), Univerzitetski tele-informatičkim centrom-UTIC (podaci o redovnim studentima) i Poreskom upravom Federacije BiH (podaci o ostvarenim prihodima), na koji način bi postupak provjere podataka bio automatizovan i sistemski riješen.

S poštovanjem,

DIREKTOR

Dostavljeno:

- ⊖ Skupština Kantona Sarajevo
- Evidencija
- a/a

Sarajevo, Đoke Mazalića 3.
web-stranica: www.szks.ba; e-mail adresa: info@szks.ba
Tel:++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

